

ROMA

Paulo e miti kiŋaŋ mimic rahuc Korinti haeo mocwâc fisiwec. Erâ ira juhuc Romanjic jaŋere papia qârenkewec. Roma haeo miti njic njokac jumbiŋ jaŋere fuŋne mi mana-hâmonjgopeneŋ. Paulo e jahacne me aposolo moczi hae ira mi fisihame jumbiŋ. Irec šiŋuc muzo: Jerusalem haeonec miti njic njokac omanezi Roma haeo ra juhuc miti miczi muhapie hae irecnec njic gâcnezi manarâ Jesure biŋefâc embiŋ. Mâro wahawec dameŋ ira Judanjiczi Romanjic ekicne jaŋeraonec gâcnezi mâmâc Jerusalem haeo tumaŋnembij (Aposolo 2:10). Ehuc wiac šâŋe furu honembij â Petorore miti manambiŋ. Erâ wâc šâhecko Jerusalem haeo mitire šika kâpâcwâru fuame miti njic njokac jaŋe râwiŋ qâwiŋnerâ hae sâc rafârembij (Aposolo 8:1 â 11:19). Eme jaŋeraonec gâcnezi raku Roma haeo fisimbij wâc mecne. Njic njokac iŋucnezi hâcne Roma haeo Jesure binaj bahuc njic njokac jazapie irecnec gâcnezi mana šakiembij. Eme jaŋerao hâcne Paulozi papia qârenkerâ râeme rawec.

Paulo e hae mâreŋ gâcne rârecke-fâreku Korinti haeo njehuc šiŋuc muwec Njicfâc-nane hae sâc jaŋe Jerusalem haeonec miti njic njokac jaŋere monerâ baturembij i Jerusalem haeo bararâ mocwâc risie warerâ Roma haeo rapemu. Eme hae irecnec miti njic njokac jaŋe nenjoc nesij nenarehapie Sipei mârenko miti kiŋaŋ rapemu (Roma 15:28). Roma haeo Paulo gie-ticnaonec opâ ruac 26 jumbij

janjere šâŋe râe-fârewec (Roma 16:1-16). Gâcne sâko ine mi manac-jopawec. Papia-ticne ŋokac moc šâŋene Foiibe e râcneme Roma haeo barawec.

Erâ Paulo e Roma haeonec miti ŋic ŋokac šâfo bajareocte irec sawa papia mi râe-jarewec. E mitire fuŋne mutâcne-jareocte irec mâmâc man-asurâ papia râe-jarewec. Ine fuŋne ŝiŋucte: Roma haeo Judaŋiczi opâ ruac â qâpuczi opâ ruac mâmâc jumbiŋ. Eme Judaŋic opâ ruac jaŋe miti raŋqanao sâcmutâc dâŋ fokac i reŋkehuc irec manapie fârine wâc ewec. Ehuc mumbiŋ: I Wofuŋdâŋ jaha irec i mâmâc reŋkehuc biankerâ sambânko fezo. Inuc mupie qâpuczi opâ ruac Paulore miti gieonec rakicne â gâcne jaŋe dâŋ irec manapie mi sâckeme qatarambiŋ. Irec dâŋjenic fâfâuc ejujec â gâcnezi maŋjahec embiŋ. Erâ wâc hombaŋ â wiac gâcne sâcti qâtiri râe rambiŋ. Moc ine qâpuckonec opâ ruac jaŋe Judaŋic jaŋere manapie wawahane ewec. Ine ŝiŋuc muhuc mana-jarepie sâqorewec: Jaŋe hâcne Jesu qambinŋ erâ wâc damaŋ ŝiŋuczia neŋgozne sâko maŋsanaŋ ehuc Jesure miti qikiŋneŋgopienŋ irec Wofuŋzi behec-jopaocmu. Mupie Judaŋic opâ ruac gâcne jaŋe mumbiŋ: Macne Wofuŋzi bafic-nâpooocmu nâŋe fuŋfuŋfâcne. Dâŋ sisifucne inuc fowecte Paulozi mitire fuŋne jâmbâŋ ritu-jarewec. Ehuc sâcmutâc dâŋte â mamasinŋte â mitio tiŋke bian ee irec dâŋ bâutuckehuc qâreŋke-jarewec. Eme Judaŋic â qâpuc guru Anutuzi weniŋuc mana-jareme fokac i wâc mufua-jarewec. Erâ wâc dâŋ gâcne ŝuhuckewec. Miti fuŋqizecne kecŝiŋuc qâreŋkewec: Mosere sâcmutâc dâŋ reŋkehuc bib-

ianke i mi fokac Jesu manasiŋkehuc bibianke i mocjaha fokac. Sâcmutâc dân bajuhuc kiŋ mi hefâsâezo Jesurao roweckehuc kiŋ hefâsâezo. Irec Paulozi Romanjic qârenke-jarewec i dân fâri hândân â bubian dân jâmbân.

Romanjic janjere papia dân nenjocne sâko jahec â moc fokac:

1. Jesu Kristo manasiŋkehuc kiŋ hefâsâezo. Ine gaŋ 1-8 irec maŋnao.
2. Judanjic me qâpuc Kristo-nâjec mocjaha. Gaŋ 9-11.
3. Maŋzi roroc ehuc Wofunje erâ juzo. Gaŋ 12-16.

Paulo gie ticnere funje

¹ Paulo no Jesu Kristozi kiŋaŋ qaqa-ticne bacnurâ aposolo-ticne mucnuhuc Anuture Biŋebian râepe qarenko raocte rowosâecnuwec.

² Miti i hâcne fuaocte Anutuzi mârâc jaha porofete ejareme irec findandân tiri papiao qârenkemiŋ.

³ Qârenkepie Nokâ-ticnerao iticnewec. E sahachec fufua i Dawidi qâricfâc-ticne janjeraonec fuawec,

⁴ erâ e maŋqaqac bâbâfua Mârohec jujuzi Anuture Nokâ jukac, irec funje hâmokonec faharewecko fua taniŋke-jâmbânkewec.

⁵ Jesu Kristo e Wofun-nâjeczki aki anonoc enarehuc aposolo gie tahacnuwec. Ehuc mârenj sâc ŋic miti jazepi mana rerenj epie Jesure šâŋe biŋe raocte munarewec.

⁶ Eme ñoñe jañere âgofâc jaha, Jesu Kristore ñicfâc eniñte hefârec-ñopakicne, irec gie i ñoñerao iñuc jaha bapere munarewec.

⁷ Roma haeonec Anuture jorofâc, tirinji mucñopakicne, ñoñere hâcne papia ši qârenjekopac. Mamac-nâñec Anutu â Wofuñ Jesu Kristo eraonec aki anonoc â wama ñoñerao fotâcnerâ fozejec.

Paulozi Roma haeo miti mamana iqic-jopaocte muwec

⁸ Miti babaju-ñeñicte mârenj sâc manapie biankekacte qanañ ñoñere erâ danje mupe Jesu Kristorao qarâ Anutu-nanerao fotâcnekac.

⁹ No Ñokâ-ticnere Biñebianj muhuc maññanezi Anutu kiñañ qacnepe fuñne-nane manakacte ere maio dâñ ši mupe mananiñ:

¹⁰ No numucneekopac sâc ñoñere mâmâc hati manasuekopac, ehuc Anutu maname sâckeme hata bâfua-nareme ñoñerao fâpemurâ âzâcneekopac.

¹¹ No ñoñe honec-ñopapere enareekac. Ehuc fârâ mañte bâmec moc bañarepe qin herâ juniñte muekopac.

¹² Me kecşinuc mupe: No ñoñerao fâpe manasinñte fârine nowac gowatuñ ehuc keketen enşepeneñ.

¹³ Erâ âgofâc-nane, fuñne-nane kâuc banşipiñte şinuc ñazape: No ñicguru gâcne jañerao eekopac iñuc jaha ñoñerao fârâ miti giere fârine piticne bâfuapemurâ hati muekopac. Erâ fâzo mupe sâc wiac gâcnezi niñginume juekopac.

14 Noni ñic kosa. Griknjic â kâte sanan, manaheç â mutucne mâmâc mitizi tofa bazujarepemunurâ munarekicne.

15 Irec Romanjic ñoñe inuç jaha Biñebian ñazapemunurâ mañnanezi afeckeekopac.

Mamanasiñte erâ juju hotâckezo

16 No Biñebianñte manape mimi ganğanñehç mi eekac, i Anuture tâpirihç, irec mana sakac eniñmu sâc bâpian-jopaocmu, Judanjic hâcne, erâ Griknjic mâmâc.

17 Biñebianko hâcne Anuture tiñne fua taniñkeekac, i hâcne eki mamanasihç jañe tahac-jopaekac, ehame mamanasinjo utuckeninmu. Dâñqâreñ šiñuc hâcne fokac: “Biankekekezezi mamanasinñte erâ juju hotâckeocmu.”

Ñic jañe Anutu-jenjic beherâ dapâcko rašimbiñ

18 Ñiczi ine Anutu qamaserâ sindan ehuc kike hata-ticne hesifuckeeñgopiñte kimbeñ ticnezi sambânkonec fua taniñkeekac.

19 Anuture fuñne gâcne ñiczi mamane i manaeñgopiñ, Anutu jahac bataniñke-jarewec.

20 Anutu e ñiczi mi hohonene, â mâreñ bâfuahuc ine wiac fuñne fuñne râewec izi tâpiri sanan-ticne â qâreñ-ticne bataniñkeme sâcne hone mana tarac eeñgopiñ. Irec ñic gâcne jañe wemocko kâuc bahuc sahaç ñeñezic dâñ muniñmu.

21 Jañe ine Anutu jukac i mana-bipiehuc mi jukac-tinac eha arañ mi bacnemiñ â mucne bacne mi ecnemiñ, aricne. Jañe mumusifuc

fuņne fuņne bâfuahuc maņmutuc epie dapâczi foņjopawec.

²² Ehuc nâņe mamanahec juņgopeneņ muhuc sâke bâbâc eku maņmutuc embiņ.

²³ Iņuc ejareme jaņe Anutu juju hati e aran mi bacnehuc ņic â wipe â qowi â homa, wiac sisirowene hâcne irec qâņ qâqâtâc barâ aran bacnemiņ.

Nic jaņe Anutu beherâ mamakâc embiņ

²⁴ Iņuc epie Anutuzi hone suņgiņ ejareme maņzi sasec kosa hurerâ mamakâc ehuc maņ sahaç-jeņic bâsâqoremiņ.

²⁵ Jaņe Anutu jâmbomac rune râpeckerâ burec maickemiņ. Ehuc ru bâbâfua-Jeņic qikiņnerâ wiac bâfuakicne aran bacnehuc kiņaņ qacnemiņ. Wiac bâfua-fârewec e mumuteņheczi mumuteņhec jurašihuc jume sâckeocmu. Jâmbomac.

²⁶ ņic jaņe e hâcne râpeckemiņte suņgiņ-jopame sasec sâqocne jâmbâņ bâfuamiņ. Ehuc ņokac jaņe Anutuzi hata muwec i qâsorierâ mi jujuo ramiņ.

²⁷ Á ņic jaņe iņuc jaha ņowe ņonâņ juju qikiņnerâ maņjeņicko sasecte šocsâko šame jaņe jaņackoaņ mamakâc fuņmoc bâfuamiņ. Erâ bâbâsifuc-jeņicte okacne maņ sahaç sisipiric rombiņ.

²⁸ Jaņe Anuture fuņne mana-bipiehuc enšaņauc ecnepie suņgiņ-jopame maņjeņic bâzickeme wiac mi eene i hâcne embiņ.

²⁹ Ehuc wiac hehesicne fuņne fuņne hurepie fewec, sindaņ, andac, rângeņne, erâ maņjeņicko

iinguuŋ â šika â rârâsi â eeatuc, erâ gibioc izi fusucmakicne.

³⁰ Jaŋe gupe bapa, micko âkec ŋic, Anutu kisâ eecne, šaubacne, pepecne, sahad mumuteŋ, sâqocnere hata bâbâfua, neŋgoc mamac dân qaqatara,

³¹ maŋ mamasu tâmiric juju, doc bapa, uruc jaun tâmiric juju.

³² Wiac iŋucne ehuc sipirickezo, Anuture micdân iŋuc fokac i mana-bipiehuc sifu eenŋopieŋ, erâ i sawa mâcne, gâcnezi epie hume keteŋ ejareenŋopieŋ wâc.

2

Juku bianŋe â sâqocne irec furine rozo

¹ Irek ŋic go wemocko fuŋnege murârâŋnecmu? Ŋic gâcnezi bahac bâfuapie mana sâqore-jarehuc gahacne fuŋne bataniŋkeekic hâcne. Mana sâqore-jareekomec, go ijaha hâcne eekomec i;

² Eme Anutuzi ŋic iŋuc eenŋopieŋ jaŋe okacne bazu-jareme sâcke-hâmoekac iŋuc mananŋopeneŋ.

³ Ŋic go gâcne jaŋere dânbahac muhuc ijaha eekic, ehuc “no Anutuzi akicnuocmu” iŋuc mu wiac moc ezic ine;

⁴ Me Wofuŋzi buuruc â wama ruaine sâc fekicne egarehuc akicguhuc jume go wemocte manatâc qatakic ehuc juekic? Go maŋge bârisiecmurâ Anutuzi buuruc egareekac i mi mana taraekic me?

⁵ Go maŋsanaŋ erâ maŋge mi bârisiehuc šocfiki bafeku seroŋ batec šoc šaza damenŋo

Anuture mumutara dân fârine fua taniŋkeme šâhâmocguocmu.

⁶ Anutuzi ŋic eebapa-nâŋecte sâc furine nârezokac hâcne.

⁷ Ŋic eehâmo gie paŋšâic bahuc eri tatamac â juju saric bâfuaniŋte samarieniŋmu jaŋe juju sanaŋ jarezokac.

⁸ Ŋic rângeŋne dân fâri qizecne bâsuehuc wiac hehesicne bajuniŋmu jaŋerao ine wiac šâšâicne â mimicne bâfuaocmu.

⁹ Sâqocne bapa sasawa, Judaŋic hâcne â Grikiŋic mâmâc, jaŋe šâic serereŋ â hâhâwic sâko fua-jareocmu.

¹⁰ Tiŋne Juniŋmu sasawa, Judaŋic hâcne â Grikiŋic mâmâc, jaŋe eri tatamac â wama fua-jareocmu.

¹¹ Anutu e ra rowec ware rowec mi focnekac.

Sâmutâc dân i maŋnâŋecko qâreŋkekicne

¹² Ŋic sâcmutâc dân tâmiric juhuc sâqocne baŋgopieŋ jaŋe sasawa sâcmutâc dân tâmiric jaha sipirickeniŋmu. Á sâcmutâc dânhec juhuc sâqocne baŋgopieŋ jaŋe sasawa Anutuzi sâcmutâc dânte sâcko dânjeŋic mutara-jareocmu.

¹³ Sâcmutâc dân mâc hazeczi mananiŋmu jaŋe Anutuzi honec-jopame tiŋne mi engopieŋ, man-arâ reŋkeengopieŋ jaŋe ine tiŋne mujareocmu.

¹⁴ Ŋic qâpuc sâcmutâc dân mi mufua-jarekicne jaŋe maŋjeŋicte sâcmutâc dân reŋkehuc ine sâcmutâc dân tâmiriczi sâcmutâc dânhec tinac eengopieŋ.

¹⁵ Iŋuc epie sâcmutâc dân i maŋjeŋicko qâreŋkekicne, irec fuŋne jaŋgeŋkeekac. Sâcmutâc

dân manjenicko qârenkekicnere manjeniczî tutuc qajareekac, erâ wâc mañ mamasu-jeniczî foc forisic ehuc ñifec mu qatarac eekac â ñifec mu bâmiriñ eekac.

¹⁶ I dameñ sâkore iñuc eekac. Ira Anutuzi Jesu Kristo ecneme mañnâñecko wiac soñsoñ fokac irec fuñne bataniñkeocmu. No Biñebianñ muekopac irec sâcko bataniñkeocmu hâcne.

Miti i saħaczi babajune mi ekac

¹⁷ Go šânge Judaniç muhuc sâcmutâc dânzi ronğân egareme herâ foekic. Erâ no Anuture fuñne manakopac muhuc saħac fefe juekic.

¹⁸ Go Anuture micdân manaekic, erâ sâcmutâc dân gazu-garekicnere keci ezo, keci mi ezo i mana wosâeekic.

¹⁹ Ehuc gahacnere šiñuc muekic: “No tiñtuñ sâcne jowa qatañ ejarepemu, â dapâcko juñgopien jañe sâcne batamae-jarepemu,

²⁰ â ñic mañpuriñhec jañe sâcne jaza bâtiñ ejarepemu, â qiemañ jañe wiac sâcne qazu-jarepemu. No sâcmutâc dânhecte mamana â dânfâri irec wamboñne rauckerâ jukopac i.”

²¹ Go iñuc muekiczi ñic gâcne miti qazu-jarehuc gahacne mañ mi qazucneekic. Go ñic fiuc mi ronšepien jazahuc gahac fiuc roekic.

²² Nowe ñonân ñohe bebehec mi ezepirec jazahuc gahac ñonânge beheekic. Go nemuqân sureekiczi nemu ufuñte wiac fiuc roekic.

²³ Go sâcmutâc dânte manasuhuc mañfefe eekiczi sâcmutâc dân qâsuahuc Anutu gâc hecneekic.

24 Irec hâcne kecšijuc qâreŋkekicne: “Qâpuc jaŋe ŋoŋere kiŋte erâ Anuture šaŋe musoriŋkeenŋopieŋ.”

Mârore ma ŋicmaŋko fome fârine muzo

25 Go sahaçgao Anuture ma bakicne i sâcmutâc dâŋ reŋketec fârinehec eocmu. Me sâcmutâc dâŋ qataratec sahaçgao ma izi fârimâc eocmu.

26 Erâ dâŋ irec ŋifecne qac qârisic fokac wâc. Ŋic moc ma tâmiriczi sâcmutâc dâŋ reŋkeocmuo mahec tinac eocmu.

27 Ehuc ma tâmiric fuarâ juekaczi sâcmutâc dâŋte gie baocmu eki ine fuŋnege rituocmu, miti papia â mahec juhuc sâcmutâc dâŋ qâsuaekic gore fuŋne hâcne rituocmu.

28 Moc e mâc sahaçzi Judaŋic hawari eocmu â sahacko sawa mahec juocmu, iŋucnezi Judaŋic fârine mi eocmu.

29 Maŋzi Judaŋic izi fârine. Á sahacko sâcmutâc dâŋte ma rojuju i mâcne, maŋko Mârore ma rojuju izi fârine. Ŋic iŋucnere ŋiczi mâcne, Anutuzi maname biaŋkeocmu.

3

Hehesic-nâŋeczi Anuture dâŋ mi bawahaocmu

1 Hâc, eme Judaŋic jaŋe qâpuc jaŋehhec sâc mocjaha engopieŋ, â sahacko ma i wiac racne me?

2 Iŋuc aricne. Judaŋic jaŋe wiac bocjaha tahac-jopakicne. Jaŋe hâcne Anutuzi biŋedâŋ fuŋne fuŋne jazame irec rune embiŋ.

3 Eme weniŋuc? Judaŋic gâcne jaŋe dâŋte woŋec juku pârâckembiŋte ŋijuc muzo me?

“Dodocke-jeñiczi Anutu mume sasanañ-ticne bawahaocmu.”

⁴ I aric kereñej; Anutu e buc mume sasanañ â ñic ine mumu dodocne, inuc muzo. Miti qâreñ moc šinuc hâcne fokac: “Go mumutiñgezi dânfâri eocmu, â mumutaragezi qaqačne eocmu.”

⁵ Eme hehesic-nâñeczi Anutu tiñne-ticnere fuñne bajañgeñkekacte weniñuc muzo? šinuc muzo me? “Fuñne inuc fokacte Anutuzi irec okacne nâreme mi sâckeocmu.” (Dâñ i ñic manare sâcko mukopac.(c)

⁶ I aric kereñej; Anutu e hehesic-nâñecte okacne nâreme sâckeocmu. Mâc muzac wemocko mâreññic šeñgoma dânñâñec sâcne mutarazac.

⁷ Eme ñifec ine burecdâñ-nanezi Anuture dânfâri dopeckeme šâñe biñe-ticne irec erâ fekacko wemocte sifu no wâc sâqocne bapa munarehuc okacne nareekac?

⁸ Erâ wemocte šinuc mi muengopeneñ: “Sâqocne bapene ñerisierâ fârine biane fuaoc me.” Nâñe inuc muengopeneñ munârehuc micko âkec enâreengopieñ hâcne. Dâñ inucne muhuc hata i âteenngopieñ jañe okacne fua-jareme sâckeocmu.

Ñic mâmâc sasawa qâsoriekicne

⁹ Eme weniñuc? Judañiczi ñic gâcne jowarurâ sâc moc juñgopeneñ me? I aricne jâmbâñ. Biac mumbeneñ, Judañic â Grikñic nânâc mâmâc sâqocnere kiñañ qaengopeneñ.

¹⁰ Dânqâreñ moc šinuc hâcne fokac:

“Ñic moczi tiñne moc mi jukac, aric qaqačne;

¹¹ moczi mamanahec moc mi jukac,

moczi Anutu wira basac mi ecneekac.

¹² Jaņe qâsoriekicne sasawa,
 ŝeņgoma repirembiņ;
 moczi moc wiac biane mi eekac,
 arictac jâmbâņ.

¹³ Marac-jeņic i hâmoc qâņqâņ bâbâfua,
 nameņ-jeņic forisieme eatuc dâņ wefuekac,
 qotâ marasiņ kisonerâ jueņgopieņ.

¹⁴ Bipic-jeņic sâwec â aaric dâņte gegerockeekac.

¹⁵ Zikare kike afec jueņgopieņ.

¹⁶ Ima samaki bahuc tuhu bâfuaeņgopieņ.

¹⁷ Wamare hata ine kâuc baeņgopieņ.

¹⁸ Á ŝâņe mai-jeņicko Anuturre hâhâwic mi fokac.”

¹⁹ Nâņac ŝiņuc manaeņgopeneņ: Sâcmutâc dâņ i
 dâņ rune nâņe nazakicne. I ņic sasawa fuņne-
 nâņec rituhuc micnâņec qâtâocte ekicne. Eme ņic
 mâmâc sasawa kiņnâņec Anuturao fua-fârekac.

²⁰ Sâcmutâc dâņte erâ kiņ nânâwoc ro i Anuturao
 moc mi fokac. Sâcmutâc dâņzi sindaņ-nâņec
 bataniņkeekac hâcne.

*Jesu taha-nâņec bawecte e manasiņkehuc kiņ
 tâmiric ezo*

²¹ Eme irec sâcmutâc dâņ fohame Anutuzi
 tiņne-ticne fua taniņkeocte hatane moc bâfuawec
 fokac, hata i sâcmutâc dâņqâhâcko â porofete
 jaņerao wâc biņedâņ-ticne mu qâreņ ekicne.

²² Jesu Kristo manasiņkehuc kiņfâsâc erâ juju,
 hata i hâcne mamasasiņhec sasawa jaņere biņe
 ekac. Fuņne-nâņec bârâwiņ mi fokac,

²³ Nâņac mâmâc sasawa sâqorembențe Anuturre
 eri tatamacko fifisinere sâc mi eņgopeneņ.

24 E hame Kristo Jesu e kiwiric-nâñec rowecte Anutuzi aki anonoc-ticnere erâ kiñfâsâc bacnâpoekac.

25 Eki mume Jesu e socticnezi sâqocne-nâñecte erâ taha bawec, eme e manasiñkeniñmuzi taha i biñeckeniñmu. Sâqocne ewarehuc jukicne irec kiñ i Anutuzi buuruc-ticnere râeme fowarehuc juwecte Jesu hâmocko râewecko tiñnere fuñne bataniñkewec.

26 E tiñnere rune juekac, â Jesu manasiñkeniñmu jañe kiñfâsâc bacjopaekac, irec fuñne damenñ šiñuczia taniñkeocte iñuc hâcne ewec.

Mamanasiñte erâ kiñfâsâc fuazo

27 Eme mumuteñ-nâñec moc fokac me? Aricne, mumuteñ-nâñec hetâtiekiecne. Wemozi hetâtiwec? Eehâmo giere hatazi me? Aricne, mamanasinñte hatazi.

28 Irece dâñ šiñuc manapene fozejec: Nïc nâñac sâcmutâc dâñ rerenkere mâcne, mamanasinñte erâ kiñfâsâc fuaenñgopenenñ.

29 Me Anutu e Judañic nâñere Anutu sawa, qâpuc jañere aricne? Iñuc mâcne, e qâpuc jañere Anutu jaha wâc.

30 E Anutu-nâñec mocjaha jukaczi hâcne Judañic â qâpuc mâmâc mamanasinñ-nâñecte erâ kiñfâsâc bacnâpoekac.

31 Eme iñuc muhuc mamanasinñte erâ sâcmutâc dâñ hetâtiñgopenenñ me? Aric kerenñe, sâcmutâc dâñ hešakiñgopenenñ.

4

*Abraham â Dawidi jahe Anutu manasiņkepire
kiņjekic behewec*

¹ Eme sahackopec mimiņne-nâņec Abraham e wemo bâfuawec munaņmu?

² E jahacne eehâmo giere erâ kiņticne hefâsâewecko ropañ sâcne focnezac. Erâ Anuturre maio ine arictâc.

³ Miti papiao dâņ šiņuc fokac i: “Abraham e Anutu manasiņkeme irec erâ maname kiņticne tarawec.”

⁴ Moc e gie bame furime râcnepene izi katucmâc rârâcne mi ekac, tofa babazucne ekac.

⁵ Á moc e ine eehâmo gie mi bapa, sâqocne bapa kiņjenic beheekac e manasiņkeocmu, eme Anutuzi ere hâcne mamasasiņ-ticnere erâ maname kiņfâsâc eocmu.

⁶ Dawidi e iņuc jaha Anutuzi ņic moc eehamo gie mi baha, akickehuc kiņ behecnecmu ere mu šeri ehuc kecšiņuc qârenkewec:

⁷ “Bahac-jeņic behekicne,
â sâqocne-jeņic bôtâmirekicne,
jaņere manape šerine ekac;

⁸ ņic moc Wofuņzi manacneme kiņhec mi eekac,
ere manape šerine ekac.”

Abrahamzi micne bapa-nâņec ewec

⁹ Mušeri dâņ kecši i mahec nâņere biņe sawa ekac me ma tâmiric jaņere mâmâc ekac? Abrahamte šiņuc manaenġopeneņ: E Anutuzi mamasasiņ-ticnere erâ kiņ behecnecmu.

¹⁰ Mo damenjo behecnewec, mahec juhame me ma tâmitric juhame behecnewec? Mahec mâcne, ma tâmiric juhame behecnewec.

¹¹ E ma tâmiric juhuc Anutu manasiñkeme kiñticne behecnewec irec maqâreñ šâhec râecnewec. Eme Abraham e iñuc ehuc ine ma tâmiric jañe Anutu manasiñkehuc kiñfâsác eengopien jañere micne ewec.

¹² Erâ mahec nâñere micne bapa wâc ewec, erâ mahecte sawa mâcne, e ma tâmiric juhuc mamasasiñte kike hata âtewec, hata ijaha mimiñ qâjâpec âtehuc Abraham micne bapa-nâñec mucnepene sâckeocmu.

¹³ Anutuzi Abraham â qâricfâc-ticne mâreñ sâko mâreñ biñe qajarewec, i sâcmutâc dân rerenñte erâ mâcne, mamasasiñ-ticnere erâ kiñticne beheduc iñuc ecnewec.

¹⁴ Eme biñe qajarekicne hâcne i sâcmutâc dân rune jañere ezac muzac, ine mamasasiñzi wiac jawane ezac â mitio biñedân feñec-nâpokicne i fârimâc ezac.

¹⁵ Sâcmutâc dânzi kiñte okacne fai-nâñecko râeekac. Sâcmutâc dân tâmiricko ine qaqatara mi fuaekac.

¹⁶ Irec hâcne wiac biñe qanarekicne i mamasasiñte erâ fuaocmu. Wemocte? I aki anonoczi feñeñ râecneme Abrahamte qâricfâc sasawa nâñâcnao sanañkeocte. Sâcmutâc dânko roweckembiñ jañe sawa mâcne, Abrahamzi mamasasiñ hata âtewec ijaha âteengopeneñ nâñâcnao mâmâc. Eki hâcne Anuture maio apa wirec-nâñec ekac.

17 Dâŋqâreŋ ŝiŋuc hâcne fokac: “Noni go ŋic gurune gurune jaŋere mamac ecmurâ mugarepo.” Abraham e ine Anutu manasiŋkehuc ŝiŋuc manapaŋkewec: “E hâmoc qâŋqâŋ bâqârezo murâ bâqâreocmu â wiac mi fokac i mume fuaocmu.”

Abraham mamasiniŋ fekiecne focnewec

18 E ŋicguru bocjaha jaŋere mamac ezokac, dâŋ i mana hamenŋke-bipiehuc sifu irec mamanaç juwec, ŝiŋuc âzâcnekicnere: “Qâricfâcge iŋuc fuanŝoŋgopieŋ.”

19 Erâ wâc e jara-ticne 100 bazukicnezi e jahacne sa hac bâmuzuckekicne â Sarare sa hac kereŋkekicne i hone-bipiehuc mamasiniŋ-ticne sifu mi ŋeŋgoroŋkewec.

20 Anutuzi biŋedâŋ âzâcnewec i maname fârimâc mi ewec, ehuc mamasiniŋte sanaŋkerâ Anuture maname fekiecne sâko ehame ŝiŋuc muhuc mana utuckewec:

21 Anutu e wiac mocte biŋe qaocmu i fârine sâcne bâfuaocmu.

22 Irec Abraham e mamasiniŋ focnewecte Anutuzi ere maname kiŋfâsâc ewec.

23 Anutuzi maname kiŋfâsâc ewec, dâŋ i Abrahamte sawa mi qâreŋkekicne, nâŋâcnere wâc mâmâc.

24 Wofuŋ-nâŋec Jesu hâmockonec bâqârewec Anutu hâcne e manasiŋkepene nâŋâcnere iŋuc jaha maname kiŋfâsâc enaŋmu.

25 Jesu hâcne kiŋbahac-nâŋecte erâ hâmocko râekicne, erâ wâc kiŋfâsâc enaŋte hâmockonec bâqârekiecne.

5

Jesuzi wama bâfua-nârewecte mu šeri ezo

¹ Nâňâc mamanasinŕte erâ kinŕfâsâc embenŕte Jesu Křistorao qohotahuc Anuture wamao juňgopenenŕ.

² Jesu ekizia motâc ronârewecte akio juňgopenenŕ wâc. Erâ juku Anuture huriri qârenŕ fua tâcneme hone šiziwenanŕmu irec mamanać juhuc mu šeri eenŕgopenenŕ.

³ Erâ i sawa mâcne, hume sererenŕ jujure wâc mu šeri eenŕgopenenŕ, ehuc šinŕuc manaenŕgopenenŕ: Hume sererenŕ jujuzi maňuruc bâfuaekac,

⁴ maňuruczi sasanaň bâfuaekac, sasanaňzi sambânŕte woworic bâfuaekac.

⁵ Sambânŕte woworic juocmuzi ine mi quru-tuaocmu. Tiri Mâro nârekicne eki Anuture maňjaunŕ maňnâňecko qoňginŕkewecte mi qurutu-anaňmu.

⁶ Křisto e ŕic nâňâc hânŕ qa otec qa ehuc juhapene damaň-ticne maickeme sâqocne bapa nâňâcne okacne hâmwec.

⁷ ŕic tinŕne mocte erâ hâhâmo i ŕic nâňâcnao mi mecne fokac, mâc ŕic bianaňne mocte erâ hâhâmo ine fufuane mecne.

⁸ Anutu eki ine, sâqocne bâfuaćhuc bunao bahuc juhapene maňjaunŕ-ticne bâfuaćhuc mume Křostozi okac-nâňec hâmwec.

⁹ Eme ši socticnere erâ kinŕfâsâc embenŕte okac damaňko roroň sasapec sâcne enâre-jâmbânŕkeocmu.

¹⁰ Nâňâc Anutu râsi ecnehuc juhapene ŕokâ-ticnere hâmocte erâ mirinŕ bacnâpawec. Eme ši

miriņ bacnâpowecko juju-ticnere erâ sâcne juju saricko râec-nâpo-jâmbânkeocmu.

¹¹ Erâ i sawa mâcne, Wofuņ-nâņec Jesu Kristozi aki bâfuahuc Anutuhec baturec-nâpowecte Anutu hâcne mu šeri ecneņgopeneņ.

Jesure uruc jauņzi sâqocne-nâņec forârâņnewec

¹² Irec šiņuc mananaņ: Ņic mocjahare erâ sâqocne mâreņko fuawec, â sâqocnere erâ hâmoc fuawec, ehuc ņic sasawa jaņerao fotâcnewec. Iņuc fuame ņic sasawa sâqore-fârembiņ.

¹³ Sâcmutâc dâņ mi fuahame sâqocnezi qanaņ fuarâ fowec. Erâ sâcmutâc dâņ arictacte mâc forâ fowefuwec.

¹⁴ Ehame hâmoczi Adamtao fuņkerâ ņic juwe-fumbiņ jaņe ņicbomboņ ejare warehuc juhame Mose fuawec, ine dâņ qâhuckehuc Adamte sâc mi bâfuambiņ jaņerao wâc sifu fotâcnewec. Adam e hâcne hâmocte micne bapa ehuctecne, šâhecko jujure micne bapa fuaocte mukicne ere sâsâcne ewec.

¹⁵ Aki anonoczi ine dâņ qaqa-re sâc mi ekac. Ņic mocjaha dâņ qaqa-ticnere bocjahazi hâmo sipiric embiņ. Ehame Anuture uruc jauņ i ine ņic mocjaha Jesu Kristo ere aki anonocte erâ, Adamte dâņ qaqa sirickehuc, ņic bocjaha tahac-nâpokicne

¹⁶ Ņifec aki anonoc â ņifec ņic mocjaha dâņ qaqa-ticnere fârine jahe sâcjekic bârâwiņ. Ņic mocjahare bahaczi hârâcte mumutara bâfuawec, aki anonoczi ine bahac bocjaha qofackehuc kiņfâsâc bâfuawec.

¹⁷ Ņic mocjaha dâņ qaqa-ticnere erâ hâmoczi ņicbomboņ ewec, ehame ine aki anonoc fofoc

dunduñ â kinfâsâc katucmâc fufua i ro mañ eenngopenenñi ine ñic mocjaha Jesu Kristo ere erâ juju sananjo ñicbomboñ ejâmbânkerâ junañmu.

Adamzi hâmoc bâfuawec â Jesuzi juju bâfuawec

¹⁸ Irec šinuc: Ñic mocjahazi dâñ qaqa bâfuame ñic mâmâc sasawa hârâcte biñe embeñ, inuc jaha ñic mocjaha tiñne jume kinfâsâc ehuc juju biñecke-fârembeñ.

¹⁹ Ñic mocjahare qaqatarare bocjahazi sâqorembenñ, inuc jaha ñic mocjahare dânrerente bocjahazi biankenanñmu.

²⁰ Sâcmutâc dâñ e ine sâqocnezi qârânkeocte ñondeñnao rašiwec. Eme sâqocnezi fua fehame aki anonoczi sirickehuc meckecnewec.

²¹ Fârine šinuc fuaocte: Sâqocnezi hâmocte uucmañko ñicbomboñ ewec jukac, inuc jaha aki anonoczi ñicbomboñ erâ kinfâsâc bacnâpohuc juju sananjo râec-nâpozejec. I Jesu Kristo Wofuñ-nâñec ere erâ inuc fuazejec.

6

Miti Opâ ruahuc sâqocnere hâmombeñ

¹ Eme weniñuc muzo? Sâqocnere gie bahuc jaha jupene aki anonoczi fua qârânkehuc sirickezejec, inuc muzo me?

² Inuc misac; Sâqocne hâmocnembenñi wemocko irec mañnao šuhuckerâ junañmu?

³ Me kecšinuc mi mananğopienñ? Miti Opâ ruahuc Jesu Kristorao šuhuckembenñi hâmoc-ticnao ñeutuckembenñ.

⁴ Ine hâcne, nânğac Miti Opâ ruahuc Kristohec mâmâc hâmo duduc ekicne, eme Mamac

eri tatamac-ticnezi Kristo bâqâreme hâmockonec faharewec jukac, iñuc jaha nâñâc qârerâ juju qâri moc junšepeneñ.

⁵ Nâñâc hâmoc-ticnere hawari ehuc erao šuhuckembeñte fafahare-ticnao sâc i jaha ehuc šuhuckenañmu.

⁶ Zinuc manañgopeneñ: Manñrañqa-nâñec Jesuhec mâmâc mariponko qakicne, i manñsahac-nâñecko sâqocnere tâpiri ñeñgoronkeocte â sâqocnere kiñañ mocwâc mi qanañte.

⁷ Moc e hâmome sâqocnere niñgiñ ñetaracneocmu.

⁸ Kristohec hâmombenjo ine ehuc wâc junañmu, iñuc manapañkenañmu.

⁹ Kristore manañgopeneñ, e hâmockonec fahareweczi mocwâc mi hâmoocmu, hâmoczi ñicbomboñ mocwâc mi ecneocmu.

¹⁰ Hâmowec i sâqocnere arec mocjaha hâmome tarawec eme ši jukac i Anuture erâ jukac.

¹¹ Eme ñoñe iñuc jaha ñañacnere manapie sâqocne hâmocnemiñ ehuc Jesu Kristo ehec Anutu jucneñgopieñ ezejec.

Sâqocnere kiñañ mi qazo

¹² Sâqocnezi sañac-ñeñic sisirowenao ñicbomboñ eñarezo mume mi manacnenšepieñ, â sañac-ñeñiczi sasecte suruc-ñopame i wâc mi manacnenšepieñ.

¹³ Erâ wâc me sañac-ñeñic i hehesicte mi qikiñepie sâqocnere kiñañ qazejec. Aricne, ñoñe hâmockonec bâqârec-ñopakicnezi Anuture gieo rašinšepieñ, ehuc mesahac-ñeñic Anuture qikiñepie tiñnere kiñañ qazejec.

14 Nõje sâcmutâc dânko mâcne, Anuture aki anonocko juenḡopienḡe sâqocnezi ḡicbomboḡ mi enḡareocmu.

Mitire gie bapa ḡic erâ juzo

15 Eme ši wenac ezo? Anuture aki anonocko rašihapene sâcmutâc dânḡe aka râriewecte sâqocne bazo me? Inḡuc aricneḡ;

16 Me ḡoḡe šiḡuc mi manḡopienḡ me? ḡicbomboḡ moc maḡ saḡac-ḡeḡic qikiḡnecnehuc micne reḡkeniḡmuzi ere kiḡaḡ qaḡafâc erâ gie-ticne baniḡmu. Sâqocnezi ḡicbomboḡ-ḡeḡic eme ere kiḡaḡ qaḡuc juku hâmo sipiric eniḡmu me micrerēzi ḡicbomboḡ-ḡeḡic eme ere kiḡaḡ qaḡuc tiḡkeniḡmu.

17 Nõje sâqocnere kiḡaḡ qaḡa juwarembiḡ i tarawec, eme ši mitire hata qaḡu-ḡarekicne irec sâcko maḡzi manahuc reḡkeēḡopienḡ irec Anutu mutēkezo.

18 Nõje sâqocnaonec batarac-ḡopakicnezi tiḡnere kiḡaḡ qaḡa embiḡ juḡopienḡ.

19 Maḡraḡqa-ḡeḡic geḡec dodocnere ḡicko wiac fokac ira sâc hehuc dân ḡazakopac. Nõje mârâc jaha me saḡac-ḡeḡic qikiḡnepie sasec â sindaḡ irec kiḡaḡ qaḡa ehame kosa ju-jumbienḡ, eme damaḡ šiḡuczia me saḡac-ḡeḡic qikiḡnepie tiḡnere kiḡaḡ qaḡa ehame maḡfuru erâ juḡšepienḡ.

20 Sâqocnere kiḡaḡ qaḡa jumbiḡko tiḡnere niḡḡiḡ mi foḡarewec.

21 Eme damaḡ ira wemo fârine bâfuambiḡ? Fârine hotâckembiḡ irec šiḡuczia manapie

miminehec eekac” eme irec faicnao hâmoc bâbâfuane fokac.

²² Dameŋ ŝiŋuczia ine sâqocnere niŋgiŋ ƚeŋgoroŋkeme Anuture kiŋaŋ qaqa embiŋ juŋgopieŋ, ehuc fârine maŋfuru rombiŋ â ŝâhec juju sanaŋ bâfuaŋiŋmu.

²³ Sâqocnere furine hâmoc rozo, â Anutu aki anonoc-ticnere fârine ine Wofuŋ-nâŋec Jesu Kristo erao ŝuhuckehuc juju sanaŋ rozo.

7

Mârore hata qarîo juzo

¹ Âgo bureŋ, sâcmutâc dâŋ mamana ƚoŋere mukopac ƚoŋe kecŝiŋuc mi mananŋopieŋ me? Sâcmutâc dâŋ rereŋke i hâmocko taraekac.

² Irece hâcne ƚokac moc e ƚowene qâricne juhame bebehene mi fokac. sâcmutâc dâŋko iŋuc mukicne. ƚowe-ticne hâmome ine sâcmutâc dâŋko ƚowe ƚonâŋ jahere mukicne i tarakac.

³ ƚokac moc e ƚowe-ticne qâricne juhame beherâ ƚic moctao qohotame ŝuhuc bâtâcte kiŋ hurekac muzo. ƚowe-ticne hâmome ine sâcmutâczi niŋgiŋ-jofawec niŋgiŋ i tâcneocmu: ehame ƚic moc baocmuo ŝuhuc bâtâcte kiŋ mi hureocmu.

⁴ Âgo bureŋ, ƚoŋere fuŋne ijaha fokac. Kristo e sahad-ticne hâmocte qikiŋnewec, erao ŝuhuckehuc sâcmutâc dâŋ hâmocnemiŋ. Ɯi ine ru mocte embiŋ. Hâmockonec faharewec jukac ere hâcne embiŋ. Irece nâŋac Anutu fârine bâfuacnenŝepeneŋ;

⁵ Juju ranqa jujumbenej damej ira sâqocnere sasec i sâcmutâc dânzi šocticne ficneme me sahad-nâjecko gie-ticne bajujec. Injuc enâreme hâmo sipiricte fârine bâfuamben.

⁶ Zi ine sâcmutâc dân hâmocnepene niŋgiŋ-ticne tarawecko dânqârenje hata ranqane mi âtehuc Mârore hata qâricne âtenjopenen.

Sâqocnezi hobetenko ŋesijnehuc suruc-nâpoekac

⁷ Eme ši wenijuc muzo? Sâcmutâc dân i sâqocne me? I aricne i; Mâc sâcmutâc dân tâmiric muzac, no sâqocnere fuŋne mi mana tarazapo. Sâcmutâc dânzi šiŋuc mufua-nâreekac: “Go andac mi ezemec.” Dân i mi fome muzac andacte kâuc bazapo.

⁸ Sâqocne e ine sâcmutâc dânzi ŋesij ecnehamame maŋnane suruckeme andac fuŋne fuŋne fuawec. Sâcmutâc dânqâhâc mi fome muzac sâqocnezi mâc mâtenkerâ fozac.

⁹ No mârâc jaha sâcmutâc dânqâhâc tâmiricko sâcne juhâmopo. Izi šâhec sâcmutâc dânzi bâfuacnume sâqocnezi maŋnane qâreme hâmopo.

¹⁰ Sâcmutâc dânzi enareme juhâmopemurâ mukicne izi hâcne ŋerisierâ šikanehec ewec.

¹¹ Ine hâcne sâqocnezi hobetenko ŋesijnehuc sâcmutâc dânje erâ eatucnuhuc qâhâmocnuwec.

¹² Erâ ine šiŋuc: Sâcmutâc dânqâhâc e bahacmâc, â bâfâuckehuc moc moc mutâcnekicne i wâc bahacmâc â tiŋne â biaŋne.

¹³ Hâc, eme dân biaŋnezi hâmoc bâfua-narewec? Injuc mâcne, sâqocnezi nuwec. Sâqocne

fuņne-ticne taniņke-jâmbânkeocte dân białnezi âki heha hâmocne nuwec. Sâqocnere manapene gâgâpâcne jâmbân eocte sâcmutâc dânzi âki heha nuwec.

Me saħac-nâņecko sâqocnezi gie hae ewec

¹⁴ Nâņâc šiņuc mananġopenenġ: Sâcmutâc dân e Mârore tofa, no ine mârenġte tofa, sâqocnere hozine.

¹⁵ No eebapa-nanere manape ririsi eekac. No wiac moc ezo enare-bipieme mi eekopac, â wiac sureekopac ine eekopac.

¹⁶ Erâ wiac sureekopac i ehuc ine sâcmutâc dânzi białne irec fuņne bataniņkeekopac.

¹⁷ Eme hehesic eekopac i no nahacne maņte mâcne, sâqocnezi maņnaneo fohuc surucnume eekopac.

¹⁸ No fuņne šiņuc manakopac: Maņnaneo, saħac biuc-nanere maņko hâcne, białnezi fic hae mi ewec jukac, wiac białnere mumu I muekopac, â fârine bâbâfua ine arictac.

¹⁹ No wiac białne ezepac muhuc mi eekopac, â wiac sâqocne mi ezepac muhuc ine eekopac.

²⁰ Sâqocne mi ezo muhuc sifu eekopac ine šiņucte, i no nahac mâcne, sâqocnezi maņnaneo fic hae ewecte jâiņko eekopac.

²¹ Norao sâcmutâc kecšiņuc fuaekac: Wiac białne ezo muhape sâqocnezi maicnuekac.

²² No maņwâmbuņ-nanezi Anutu sâcmutâc dânġticnere mana aņac eekopac.

²³ Eħame me saħac-naneo sâcmutâc moc fokac izi maņ mamasasu-nanere dânġhec rârâsi eekopirec, ehuc niņgiņnume sâqocnere sâcmutâc

dân me sahad-naneo fic hae ewec ere kâpâcwâru
 ñic eekopac

²⁴ Ñic huac bucne no mozi sahad-nane hâmocte
 biñe ekicne hetara-nareocmu?

²⁵ Anutu e Wofuñ-nâñec Jesu Kristore erâ
 mutenkekopac. Eme šiñuc hâcne: No nahac
 mañ mamanasu-nanezi Anutire sâcmutâc dân
 kiñañ qacneekopac, sahad-nanezi ine sâqocnere
 sâcmutâc dân kiñañ qacneekopac.

8

Bianñekicnezi Mârore hata âtezo

¹ Eme Jesu Kristohec juengopien ñic i jañerao
 sâqocnere okacne mumutara-jare moc mi fu-
 fuane.

² Kristo Jesure erâ juju bâfua-nâreekac Mâro
 hâcne, ere sâcmutâc dânzi sâqocne â hâmoc irec
 sâcmutâc dân bârârie-nârewec.

³ Sâcmutâc dân e mañrañqa-nâñeczi tâpirine
 bawahame nâñâcnao gie bâipiewec. Irec Anutu
 e šiñuc ehuc mañrañqa sâqocne-ticnere tâpiri
 qame wahawec: Nokâ-ticne soreme sâqocne bapa
 nâñâcne sahad hawari rorâ sâqocnere due bawec.

⁴ Ine mañrañqare hata mâcne, Mârore hata
 âteengopenen nâñâcnao sâcmutâc dânreren
 bian fua-fâreocte iñuc ekicne.

⁵ Juju rañqare hata âteengopien jañe mañ
 mamanasu-jeñic juju rañqare wiacte foekac, â
 Mârore hata âteengopien jañe mañ mamanasu-
 jeñic Mârore wiacte foekac.

⁶ Mañrañqare wiacte manasuhuc sisipiric bâfuazo, â Mârore wiacte manasuhuc juju â wama bâfuazo.

⁷ Mañrañqare wiacte mamasu izi Anutu kisâ ecneekac. Ehuc sâcmutâc dâñticne mi dapecneekac, i wemo-ticnezi sâcne ezac;

⁸ Mañrañqahec juengopien janjere Anutuzi takickeekac.

⁹ Anuture Mârozi maññenicko fic hae ewecko ine mañrañqaopec mâcne, Mâroraopec utuckerâ juengopien. Moc e Kristore Mâro tâmiric juocmuzi ere ñicbiñe mi juocmu.

¹⁰ Kristozi maññenicko jukacko sahad-ñeniczî sâqocnere erâ hâmoc ruckekac, â mañ qâqâtâc-ñeniczî ine kinfâsâc bacñopakicnere juju ruckekac.

¹¹ Eme Jesu hâmockonec bâqârewec Anutu hâcne, ere Mârozi maññenicko ñeñe juju ekacko, Kristo Jesu hâmockonec bâqâreweczî maññenicko Mâro-ticne jukac ere erâ sahad-ñenic hâmocne i iñuc jaha bâqâreocmu.

Mârohec erâ Anuture naru motecfâc juzo

¹² Âgo bureñ, irec hâcne mañrañqazi wemo nâre tahac eekacte nâñâc tofa bazucnehuc ere wiacko qohotanañmu?

¹³ Ñoñe mañrañqare wiacko qohotaniñmuo sipirickeniñmu. Á Mârore tâpirio sahadte dâñqaniñmuo ine juju sâcne jurañihuc juniñmu.

¹⁴ Anuture Mârozi de âsic ejareha juengopien jaje hâcne Anuture naru motecfâc.

¹⁵ Anutu e Mâro ñarewec i kiñañ qaqafâcne juhuc harierâ hâhâwic bacneniñte mâcne, naru

motecfâcne erâ juniņte ņarewec. Irec hâcne “Mamac bian-ņâņec” muhuc wasickeņgopeneņ.

¹⁶ Nâņâc Anuture naru motecfâc juņgopeneņ, dâņ i Mârozi maņņâņecko musokame man-aņgopeneņ.

¹⁷ Naru motecfâcne juņgopeneņzi Anuture huhure wâc rauckenaņmu, Kristohec mâmâc wirec rauckenaņmu. Ŷira mâreņko ehec șârâ hârिņ faio junaņmuo ehec eri tatamac bianko mâmâc jaha junaņmu.

Nic maņ saĥac-nâņec bianke-fâreĥame wiac omanezi iņuc jaha biankeocmu

¹⁸ Sambânko Anutuzi eri aņac bâfua-nâreocmu, i mâreņko șâic busâqoc fokac ira sâc hepe ma-makâc eocmu.

¹⁹ Anuture naru motecfâc eri aņac-nâņec fua tâcneocte, wiac bâfuac-jopakicne jaņe irec woņec juhuc maņ hâhâņ ejareekac.

²⁰ Wiac omane jaņe wâc bie gufec hâmo qanșaraņte maņnao râec-jopakicne, erâ jaņacne maņte mâcne, ņiczi saĥacko râec ejarewec. Erâ jaņe iņuc hati fohuc juniņte mi mujarekicne.

²¹ Wiac omane jaņe wâc hâmo qanșaraņte niņgiņ hetararâ firieĥuc Anuture naru motecfâc nâņâcne eri aņacko șuhuckeniņmu hâcne.

²² Nâņâc manaņgopeneņ, dameņ i hâcne maick-eocte wiac omane jaņe harac huac buc ehuc gozi kicjopame șâic manaņgopieņ.

²³ Erâ wiac omane jaņe sawa iņuc mi eņgopieņ, sambânkonec qaqasune Mâro hâcne nârekeicne nâņâc iņuc jaha, naru motecfâc-ticne juņgopeneņ irec fuņe Anutuzi, saĥac-nâņec

bâfiriehuc, bataniŋkeocte woŋec juhuc maŋzi harac huacbuc eenŋopenenŋ.

²⁴ Nâŋâc bâpianŋ-nâpokicne irec fârine tapa-maŋko fokâc. Fârine tâtâc fuame muzac harac huacbuc mi enŋapeŋ. Wiac i basahuc ine harac huacbuc ezo.

²⁵ Fârine tâtâc mi fuame honeŋopenenŋte maŋzi worickehuc woŋec juenŋopenenŋ hâcne.

²⁶ Mâro e wâc geŋec dodoc-nâŋecte erâ bafic-nâpoekac. Nâŋâc iŋuc me iŋuc numupene sâckeocmu, i mi mana-hâmoenŋopenenŋte Mârozi âkehoc-nâporâ saŋuc ŋiczi mi mamananane i qaekac.

²⁷ Ehame Anutu e maŋ hohonezi Mârore dâŋ manaekac. Mâro e mitiŋic jaŋere okacne Anutu dâŋsâc-ticnao numuekac.

Anutu e nâŋâcnao gie fuŋkewec i bataraocmu

²⁸ Nâŋâc manaŋopenenŋ, Anutu maŋzi jaunŋeniŋmu jaŋe wiac izi me izi fua-jarehuc bâbâpianŋ-jeŋic dopecke-fâreocmu, ine eki hefârec-jopaocce maname fowecte hefârec-jopawec jaŋe hâcne.

²⁹ Ŋic qanaŋ honec-jopame sâckewec jaŋe ŋokâ-ticnere hawari eniŋte mucjopawec. Eme qafâc-ticne bocjaha ehapene e jahac ine mârâc hahac-nâŋec erâ juocmu.

³⁰ Anutu e ŋic qanaŋ hone wosâec-jopawec sâc hefârec-jopawec. Hefârec-jopawec sâc kiŋfâsâc bacjopawec. Kiŋfâsâc bacjopawec sâc eric-jopawec.

Wiac moczi Anuture uruc jaunŋkonec mi batarac-nâpooocmu

31 Dâŋ irec fuŋne weninuc fokac? Anutuzi âgo enârehome mozi râsi enâreocmu?

32 E ŋokâ-ticne mi sakarehuc nâŋâcnere erâ qaisockeweczi ere erâ wiac sasawa mi sesi qe-geric jaha tahac-nâpooemu me?

33 Anutu bâwosâecfâc-ticne jaŋe mozi dâŋko râec-jopaocmu? Anutu e jahac kiŋfâsâc bacjopakac.

34 Me mozi tunjopaocmu? Kristo Jesu e jahac hâmowec, erâ hâmowec sawa mâcne, e hâmockonec wâc faharerâ Anuture mefâreo feweczi nâŋâcne riŋ rohuc juekac.

35 Kristore uruc jaunƷkonec wemozi moc batarac-nâpooemu? Zâic busâqoczi me hume sererenzi me fific guguriŋzi me roroczi me qarâ suriŋnezi me šârâ šâpâzi me šika kâpâcwâruzi?

36 Dâŋqâreŋ kecšiuuc fokac irec sâcko wiac enâreenƷopieŋ:

“Gore erâ šoaŋne šoaŋne qa imac enâreenƷopieŋ, lama qa hezuc eejarene jaŋere sâcko râec-nâpoŋgopieŋ.”

37 Erâ wiac inucnezi mi bâdoc-nâpooemu, aricne, Jesure uruc jaunƷko âtesiuŋehuc sasanaj fekicne bâfuarâ domaenƷopeneŋ.

38 Irec no šiŋuc manapaŋkekopac: Hâmoczi me jujuzi, aŋelozu me ŋicbomboŋzi, wiac šiŋucne fofonezi me šâhec fufuanezi, me wiac tâpirineheczi,

39 wiac faicne wawahanezi me juwicne wewefunezi, wiac izi me izi Anuture uruc jaunƷkonec moc mi batarac-nâpo-jâmbâŋkeocmu. Uruc jaunƷ i Wofuŋnâŋec Kristo Jesu ere erâ qoroc-nâpoekac.

9

Paulo e Judaņic âgofâcne jaņere bušâic manawec

¹ No Kristore ņiczi burec mi ehuc dâņ jâmbomac mupe mananiņ. Tiri Mârozi maņnane batamaehame mana-jâmbâņkehuc ņazape:

² No busâqoc fârine manahuc maņnane wemo afecne fârorockeekac.

³ Judaņic âgofâc-nane, soctofafâc-nane hâcne, jaņere erâ no nahac Kristore sacmaņkonec wawahare sâcne afeckezapu.

⁴ Jaņe hâcne Israe ņic, eme Anutuzi fuņfuņfâcticne bacjopawec, ehuc tâpiri tatamac-ticne jowatuwec. Erâ jaņehac šâšâfic erâ sâcmutâc dâņ mufua-jarewec â mai ecnehuc juniņte hatane jowatuwec. Erâ wâc biņedâņ jazawec.

⁵ Á mimiņnefâc-jeņic jaņe mitire fuņqizecne jumbiņ. Eme Kristozi ņicsahac rohuc fuawec i jaņere guruo fuawec. Wiac sasawa irec Wofuņ jukac, Anutu hâcne, e mumuteņheczi mumuteņhec jurašihuc juzejec sanaņ. Jâmbomac.

Mitihec jaņe Anuture ņicfâc

⁶ Wiac iņuc fuawec irec Anuture dâņ dodocne ewec mi muzu. Israeraonec fuambiņ jaņe Israe ņic fârine ninic mi efârembiņ.

⁷ Á Abrahamte tofafâc jaņe qâricfâc-ticne fârine wâc mi efârembiņ. Eme irec hâcne dâņ šiņuc âzâcnekicne: “Isakare qâricfâc jaņe sawa gore biņe eniņmu.”

⁸ Dâņ irec fuņne šiņuc fokac: Sahaczi Abrahamtao fuambiņ sâc Anuture ņicfâc mi

efârembiņ, biņedâņko fuakicne jaņe sawa Abrahamte qâricfâc fârine embiņ.

⁹ Biņedâņ kecšiuuc mukicne: “Jara moc tarame Sarazi motec rorâ bajuhame mocwâc warepemu.”

¹⁰ Erâ i sawa mâcne, Rebekarao sâc ijaha fuawec. E mimiņne-nâņec Isaka ehac juhuc motec jajahec kiwec-jofawec.

¹¹ Eme motec jahe mi fuahuc wiac bianņe me sâqocne mi ehapire Anutuzi jahere šiuuc âzâcnewec: “Hahaczi qare kiņaņ qazejec.”

¹² Ine Anutu mumupaņ-ticne sananņkeocte manasuhuc motec juju-jekicte mâcne, e jahacne maņte ro bârâwiņ ejactehuc dâņ i muwec.

¹³ Irec dâņ moc šiuuc hâcne fokac: “No Jakobore enarewec â Esaur takicnuwec.”

Anutu e juju bapa-nâņecte mâcne, buuruc-ticnere ehâmo-nâreekac

¹⁴ Eme irec weniuuc muzo? Anutu erao guriņ bapa hehesicne moc fokac me? I aric kereņne.

¹⁵ E Mose dâņ šiuuc âzâcnewec: “No ņic moc akickezo murâ akickepemu â ņic moc buuruc ecnezo murâ ecnepemu.”

¹⁶ Irec ņicmaņte me ņic eebapare mi muzo, Anutu buuruc-ticnere sawa muzo.

¹⁷ Anutuzi Farao dâņ âzâcnewec, irec miti papiao šiuuc qâreņkekicne: “No gorao tâpiri-nane bataniņkepe šâņe biņe-nane mâreņ sâc raocte muhuc âkendâņgupo hâcne.”

¹⁸ Eme irec Anuture šiuuc manazo: E ņic moc akickezo murâ akickeocmu â moc e maņne bâzickezo murâ bâzickeocmu.

19 Eme ñifecne šinuc mecne nazacmu: “Anutu e ñic nâñâcne wemocte maname sâqoreekac? E wiac moc ezo mume ñiczi aka hehecne i mi fokac.”

20 Ñic go wemogere Anuture dâñ mucmu? Kušizi wemocko kuzi bapa šinuc âzâcneocmu: “Go wemocte sâc inucne bacnumeñ?”

21 Me kuši bapa e afe izia kuši gâcne ñic jañere biñe â gâcne bec qâto jañere biñe bame sâqoreocmu me?

Miti runezi râpene embiñ

22 Eme Anutu e kuši kimbeñ-ticnere biñe, šâhecko qanšañ-joparâ behec-jopaocte maname fokac, kuši i jañerao šika bâfuahuc tâpiri-ticne bataniñkeocte sifu bumâteñ-ticnere erâ jâbu ejare warehuc juekac.

23 Erâ ñifecne kuši buuruc-ticnere biñe, juku eri tatamac-ticnao biric-jopaocte maname fokac, kuši i jañerao eri añac mâriri hejareocte bacjopa juekac.

24 Eme Judañic sawa mâcne, qâpuc mâmâc kuši buuruc-ticnere biñe enañte hefârec-nâpoekac.

25 Eme irec porofete Hoseare papiao dâñticne šinuc fokac:

“Ñicguru mi rucjopapo jañe `nore ñicfâc3 mucjopapemu,
â biñemâc juwec e šâñene `joroc-nane3 muc-
nepemu.”

26 “Eme `ñoñe nore ñicfâc aricne3 ñazakicne,
mâreñ ira wâc šâñe-jeñic `Anutu jujunere naru
motecfâc3 fuaocmu.”

27 Erâ Jesajazi hahanje bahuc Israe ñic jañere šinuc muwec wâc: “Israe qâricfâcne jañe hâwecmecko moñgeñ fokac irec sâc bâfuazo murâ bâfuaninmu, eme sifu uuc šanšanje sawazi biankeninmu.”

28 Wofuñ e mârenko dânťicnere fârine qeñnea bâfuame fideteñ efâreocmu.

29 Jesajazi findanđan moc šinuc hâcne muwec:

“Samban momori jañere Wofuñ e ñicukic
 moc mi getâc-jopa-nâreme muzac,
 ine Sodom jañere sâc bâfuanšapeñ,
 â Gomora jañe inucne enšapeñ.”

Judañic jañe tinke bian eninje eipiembin

30 Eme ši weniñuc muzo? Kecšinuc: ñic qâpuc tinke bian eninje mi fotariembinzi tinke bian embin, mamanasinje tinke bian embin hâcne.

31 Á Israe ñic sâcmutâc dân renkehuc tinke bian eninje fotariembinzi sâcmutâc dân bâmâmâckembin.

32 Wemocte? šinucte: Jañe mamanasinje mâcne, mâc juju bapa-jeñicte tinke bian eninje mumbin. Ehuc hatao qânâ fowec ira kike-jeñic hezumbin.

33 Kecšinuc hâcne qârenkekeicne fokac:

“Manakic, no Zion haeo qânâ moc râekopac
 ira kike-jeñic hepirickeninmu,
 â buse ñeñene moc hekopac ira heariweninmu.
 Eme moczi e manasinkeocmu ine mi quru-
 tuaocmu.”

10

Anutuzi kiŋ tatarare hata bâfuawec i Judanjic jaŋe qikiŋnembij

¹ Qomâfâc-nane, Judanjic âgofâc-nane biankeniŋte maŋnanezi boc enareme Anutu irec numucneekopac.

² Jaŋe Anutu kiŋaŋ qaçneniŋte ŝoqac ehuc juenŋgopien i honeekopaczi mukopac. Erâ i hatane kâuc bahuc eenŋgopien.

³ Jaŋe Anuturaonec kiŋfâsâc eere hata fokac i kâuc baenŋgopienŋte jaŋac tiŋke bian eniŋte giene baenŋgopien. Irec Anutu tiŋne rune mi dapecnembij.

⁴ Niçzi mamanasinheç erâ kiŋfâsâc bâfuananŋte Kristozi sâcmutâc dânŋte hata hebâzicke-nârewec.

⁵ Mose e dân ŝiŋuc qârenkewec: “Niç moc e sâcmutâc dânŋte tiŋke bian hata âteocmuzi juju bâfuocmu.”

⁶ Â mamanasinŋte tiŋke bian eere dân ine kecŝiŋuc fokac: “Go maŋgezi ŝiŋuc mi muzemec: Mozi sambânko ferâ Kristo bawahaocmu,

⁷ me mozi hârâcko hurâ Kristo hâmokicne jaŋeraonec jowa wefuocmu?”

⁸ Inŋuc mâcne, tiri papiao kecŝiŋuc mukicne: “Miti i ŝoricko mi fokac, i mumugao â mamana-gao râekicne.” I mamanasinŋte dân ŋaza qazuc eenŋgopenen irec mukicne.

⁹ Jesu e Wofuŋ-nane i mumugao foocmu â Anutuzi Jesu hâmockonec bâqâre-narewec i mananagao foocmu eme biankerâ jucmu.

¹⁰ Maŋzi Jesu manasinkehuc kiŋfâsâc ezo, â miczi e mutaniŋkehuc biankezo.

11 Eme irec hâcne miti papiao kecšijuc qâreŋkekicne: “E manasiŋkeocmuzi mi qurutuaocmu.”

12 Judaŋic â Grikŋic bârâwiŋ mi engopeneŋ, e mocjahazi Wofuŋ junâre-fâreekac, erâ wiac fuŋne fuŋne hezu henâreekac.

13 Irec hâcne šiŋuc mukicne: “Wofuŋte šâŋe riwaseckeocmuzi bianŋkerâ juocmu.”

14 Ririwasecke i e mi manasiŋkeengopienzi wemocko eniŋmu? Anutu mamasasiŋke i dâŋticne mi manaengopienzi wemocko eniŋmu? Anutu dâŋticne mamana i biŋe mumu tâmiric wemocko eniŋmu?

15 Á biŋe mumu i moczi jaza sorec mi ejarehame wemocko fuaniŋmu? Dâŋqâreŋ šiŋuc hâcne fokac: “Biŋebiaŋ mumuŋic jaŋere kike fânâŋzi maŋ baafec bâfuaekac.”

Anutuzi Judaŋic bâipiec-jopawec

16 Biŋebiaŋ ine ŋic gâcnezi mana rereŋ mi embiŋ. Jesajazi wâc šiŋuc muwec: “Wofuŋ, biŋedâŋ muhaŋŋekicne i mozi mana šakiewec?”

17 Irec šiŋuc manazo: Mamasasiŋ i miti mu manacte fârine, â miti mu manac i Kristore michte fuaekac.

18 Hâc, eme šiŋuc muhuc wiokopac: Jaŋe miti mi manambiŋ me? Iŋuc mâcne, “Micfânâŋ-jeŋiczi mâreŋ sâcke-fârewec â dânjeŋiczi mâreŋ qaŋeŋnao fisiwec.”

19 Eme mocwâc wiohuc mukopac: Israe ŋic jaŋe mi mecne mana-hâmombiŋ? Iŋuc mâcne, qanaŋ Mosezi šiŋuc qâreŋkewec i mupe:

“No ñic omane rocjopape siric-ñopapie iinguan
ejarenšepien;
ñicguru mutucne hefârec-jopape bunjenic
gâpârezejec.”

²⁰ Eme šâhec Jesajazi dân bâuuckehuc kecšijnuc
muwec:

“Mi basacnuhuc jumbinzi bâfuacnumbin,
nore mi muhuc jumbin jañe maic-jopapo.”

²¹ Erâ Israe ñic jañere ine šijnuc mu qâren ewec:
“No ñicguru mana qâomane â mickobacne damen
šora meoric qajarehuc jupo.”

11

*Israe ñic gâcne sâko mañsanaj ehapie Anutuzi
afecne rowosâec-jopawec*

¹ Eme wiokopac: Anutuzi ñicfâc-ticne beheç-
jopawec me? Aricne, inuc mi ewec. Noni Israe
ñic jaha wâc, Abrahamte qâric, Benjaminte gu-
ruonec

² Anutuzi qanan manac-jopawec ñic i mi beheç
jopawec. Me ñoñe Eliare binañ miti papiao i wose
manac mi eenğopien me?

³ E Israe ñic jañere dân muhuc Anutu šijnuc
âzâcnewec: “Wofun, jañe porofetefâcge jopa-
fârehuc alatage henšañnembin, eme ši buc juhape
no wâc nuninñe muñgopien.”

⁴ Inuc mume Anutuzi dân wenijnuc
bâtikieçnewec? “No ñic 7000 sakarec-jopape
Baali nemu mi dapeçnembin.”

⁵ Eme damen ši inuc jaha Anutuzi aki anonoc-
ticnere erâ ñic tiwâne rowosâec-jopawec
juñgopien.

6 I aki anonoc-ticnere iñuc ejarewecko juju bapa-jeñicte mi ejarewec. Iñuc mi eme muzac, ine aki anonoc fârine mi ezac.

7 Eme weninuc? Israe ñic jañe wiac fârine bâfuazo mumbiñ i mi bâfuambiñ” rowosâec-jopakicne jañe sawa bâfuambiñ, gâcne sâko ine manñsanañ embiñ.

8 Irec šiñuc hâcne qâreñkecicne fokac:
 “Anutu e manñeñic bâsifuckewec,
 šâñe-jeñic bâhâpowec â hazec-jeñic qâzic qawec.
 Iñuc ejareha jumbiñzi juengopien.”

9 Á Dawidizi mu qâreñ ewec:
 “Jañe nânâ nahapie râsi fisipie fâfâc-jopazejec,
 Mâreñko jopaha okacne fisi-jarezejec.

10 Go šâñe-jeñic bâhâpotec tiñtuñ qanšepien,
 â râpe-jeñic bahasicketec miñgen miñgen
 junšepien sanañ.”

Oliwa jâcnao tieñne jabane râe šuhuc ekicne

11 Eme wiokopac: Israe ñic jañe fâfâc-jopawec i waha qâhâmoc-jopaocte iñuc fuawec me? Iñuc aricne, jañe bâbâpiañ râpeckepie qâpuc jañere biñe ewec, ine qâpuc jañe manapie Israe ñic jañe honec-joparâ iinñguuñ ejareninñte iñuc fuawec.

12 Eme miti qiqikiñ-jeñiczi mâreñ sâc ñic jañerao miti mâriri bâfuawecko, â dodocke-jeñiczi ñic qâpuc jañerao miti šâkâñ bâfuawecko, opon, juku furu jaha manñeñic bârisiepie fârine mo iñucne fuazokac!

13 Qâpuckonec opâ ruac ñoñe dân ši ñazape mananiñ: No qâpuc ñoñere aposolo juekopaczi gie-nane baericko bašihuc baekopac,

14 i soctofafâc-nane âkeriņ-jopape gâcnezi bâjâpecnuhuc biankeniņte.

15 Anutuzi Israe ņic beheç-jopame mâreņ sâc miti fuawec, izi juku rocjopame mi hâmockonec qâqârezi fuazokac me?

16 Nânâ hata qaçasune jambuņkepene nânâ mâmâc sâcke-fâreekac, â jâc gâtânezi furu fome tieņne iņuc jaha furu foomu.

17 Eme Anutuzi tieņne gâcne hetâcne beheç ehuc irec dodoma tacko oliwa kâteo fuakicne irec tieņne go râe šuhuc egarewec. Eme oliwa gâtânere ņiņic wokemaņzi gume hesiwiņ egarehame,

18 go tieņne raņqane mi mana pitiwac-jopahuc maņfefe mi ezemec. Iņuc ezicte šiņuc manac: Go gâtâ gume hesiwiņ mi ecnekomec, gâtâzi go egareekac.

19 Mupe go ņifecne šiņuc mecne mucmu: “Anutuzi no hâcne râe šuhuc enareocte tieņne raņqane hetâcne beheç ejarewec.”

20 I mukic mac. Jaņe miti qiqikiņ-jeņicte hetâcne beheç ejarekicne â go ine mamasaiņgere dodomatac-jeņicko domakomec. Ireç go saħacge mi bafehuc rumerâ juzemec.

21 Anutu e oliwa e jahacne tieņne mi akickewecko go iņuc jaha mi akicguocmu.

22 Ireç go buuruc-ticnere mecne â fâro-ticnere mecne mi nikeçguzejec. Fâro-ticnere fârine i miti râpeckembiņ jaņerao fuawec, â buuruc-ticnere fârine i gorao fuawec. Eme go erao qohotahuc jutec fârine i sâcne fogareocmu. Iņuc mi etec ine go wâc hetâcne beheç egareocmu.

²³ Erâ wâc tienje ranqane jaŋe maŋsanaŋ-jeŋic beheniŋmuo Anutuzi mocwâc râe ŝuhuc ejarezo murâ sâcne ejareocmu.

²⁴ Eme kêteonec oliwa rocgurâ hae oliwa jâcnao râe ŝuhuc egareweczi hae oliwa e jahacne tienfâc mocwâc ŝuhuc-jopazo murâ mi qunkeocmu, i onŝonj jaha ŝuhuc-jopaocmu.

Judaŋic jaŋe juku mitimaŋko raŝi-fâreniŋmu

²⁵ Âgofâc-nane, ŋoŋe, kêuc bahuc ŋaŋacne mamanao roweckerâ mana sifuckenŝipiŋte dâŋ soŋne ŝi mufua-ŋarepe. Israe ŋic tucne jaŋe maŋsanaŋ erâ juhapie qâpuc sâko jaŋe mitire maŋko raŝiniŋmu.

²⁶ Raŝihapie ŝâhec Israe ŋicguru qâqâhâc bianke-fâreniŋmu. Ziŋuc hâcne qârenkekeicne fokac:

“Ziŋ haeonec Bâbâpiaŋ moc fuarâ Jakoboraŋ jawa âsu gêrec ofaŋneme raocmu.

²⁷ Iŋuc eme no sâqocne-jeŋic ŝurerâ jaŋehac mocwâc ŝâŝâfic epemu.”

²⁸ Israe ŋic jaŋe qâpuc ŋoŋere erâ Biŋebianŋte râsi juŋgopienj â rowosâec-jopakicnere ine mimiŋnefâc-jeŋic jaŋere erâ Anuture jorocfâc juŋgopienj.

²⁹ Anutu e âgo ŝâŝâfic dâŋsaric-ticne â hehefâre dâŋticne mi dockeocmu.

³⁰ Qâpuc ŋoŋe mârâc jaha maŋsanaŋ erâ jumbiŋ, eme ŝâhec Israe ŋic jaŋe maŋsanaŋ ehapie Anutuzi buuruc-ticnao râec-ŋopawec.

³¹ Iŋuc jaha jaŋe maŋsanaŋ juhapie Anutuzi buuruc-ticnao ŋec-ŋopawec, i jaŋe wâc buuruc ejareocte iŋuc ewec.

³² Anutu e ñic sasawa bâturec-jopahuc qaqatarao basanañ-jopawec, i mâmâc sasawa buuruc-ticnao ñec-jopaocete inñuc ewec.

Anutu e mâsi-ticnere â miti-ticnere mutenkezo

³³ Oponñ, Anutu e mitire mâriri â mañqârânñ â mamana saric-ticne irec šâkâñne mo inñucne fokac; Mumutara-ticnere fuñne i ñiczi mi mamane gie bapa-ticnere hata i ñiczi mi honone.

³⁴ “Wofunñte mañko dâñ fokac i mo ñiczi manawec,
me dâñ muhame mozi bafickerâ muwec?”

³⁵ “Me mo ñiczi e qanañ wiac moc qikiñnecnewecko tofane bazucneocmu?”

³⁶ Wiac sasawa eraonec wareekac â erao siñkerâ foekac â erao rafâreekac. Mumutenzi mumutenñ i erao šuhuckeme šuhuc forasihuc juzejec sanañ. Jâmbomac.

12

Sahac-nâñeczi Anuture taha bâzi ezejec

¹ Âgofâc-nane, no Anutu buuruc-ticnere erâ dâñ hazec qâunñ ñazape mananiñ. Ñoñe sahad-ñenñic Anutu qikiñnecnepie taha bâzi qaqaçne â tirine eme honeme bianañkezejec. Inñuc ehuc Anutu kiñañ fârine qacnenšepienñ.

² Erâ juju bapa-ñenñiczi miti tâmiric jañere sâc mi ezejec. Ñoñe mañ mamanasu-ñenñic bâतिकепие hawarine moc eme Anutu micdâñ-ticnere sâcko gie bianañne â hohone šiziwene â tirine irec wosâenšepienñ.

Moc e mitio gie mucnekicne sâc bazejec

³ Aki anonoc tahacnukicnere mâmâc sasawa ņazape mananiŭ: Moc e jahacnere maname fefene boc mi ezejec, Anutuzi miti râcnewec sâc i sawa ezejec, sâc jâuruhuc ine mi ezejec.

⁴ 3iŭuc mananiŭ: Fâri ombân-ņâņec mocjaha e kiŭaŭ qaqaņâc-ticne bocjahazi gie fuŭne fuŭne baņgopieŭ.

⁵ Eme ņifec Kristorao iŭuc jaha bocjahazi qâfâsâepene fâri ombân mocjaha ekac, erâ me kikefâcne juhuc dodopec eeŭgopenieŭ.

⁶ Mitire tâpire fuŭne fuŭne i aki anonoc nâre tahac ekicne sâc fonâre rakac. Eme irec sâcko gie banšepeneŭ. Irec moc e Anuture micdâŭ mumufuare tâpiri focnekacko mamasasiŭ-ticnere sâcko muzejec.

⁷ Moc e kiŭaŭ qaqa giere tâpiri focnekaczi gie i bazejec, â moc e qaqazu gie baocmu e irec tâpiri focnekac sâc bazejec.

⁸ Uŭsawaŭ dâŭ muekac e irec tâpiri focnekacko muzejec, bâmec gie baekac e maŭticne bawahahuc bazejec, moc e micne juocte mucnekicko ņoqachec juzejec, â moc e jauŭ gie baocmuzi buafec jaha bazajec.

Wama jauŭte dâŭ

⁹ Jauŭ babac i sahaczi sawa mi eņšepieŭ. Wiac sâqocnere mamakâc-ņopazejec â wiac biaŭnao qohotaņšepieŭ.

¹⁰ ņoŭe ââgo fârine juņšepieŭ, erâ sâsâsec eniŭte sisiric efârenšepieŭ.

11 Rokac bârokac tâmiric qicwânšâñhec erâ junšepien. Mârore buñençic bâruñkezejec, ehuc Wofuñ kiñañ qacnenšepien.

12 Sambañ worickehuc bubian junšepien, â šâic busâqocko mañuruc junšepien. Erâ nunumu gie i uruc šuhuc jaha banšepien.

13 Anuture mitiñicfâc hume sereren jupie hone bafic ejarenšepien. Nïc fisipie afeckerâ hezu hewâneñ ejarenšepien.

14 Nopa jâpec eñarenimmu jañe jambuñ-jopanšepien. Micñenickonec sâwecdâñ mâcne, jambuñdâñ sawa wahazejec.

15 Bubian enimmu jañe qâtec-joparâ bubian enšepien, kioniñmu jañe qâtec-joparâ kionšepien.

16 Maññençic bâturehuc wiac mocjahare henširiñnehuc junšepien. Nañacnere boc mi manapie sâckezejec.

17 Sâqocnere okac babazuc mi enšepien. Nïc âgo ejareekac ijaha enšepien.

18 Nïcne Nïcne jañehuc wamao juju i eene eme ñoñe hâcne irec hatane âtenšepien.

19 Âgofâc, kiññençic ñañac mi batarahuc Wofuñ kimbeñ-ticnere biñe râepie fozejec. Dâñ šiñuc hâcne qârençkecicne fokac: “Kiñ babatara i nore gie, â okacne babazu i no nahac epemu, Wofuñ e iñuc mukac.”

20 Nõñe ine šiñuc enšepien: Râsige nânâre hâmome nânâ gumezemec, opâre hâmome opâ gumezemec. Go iñuc etecne mimiehuc šara marane eocmu.

21 Sâqocnezi go mi bawahacguzejec. Aricne, go wiac bianne ehuc sâqocne bawahazemec.

13

Kia gawamaî jaņere dâņ

¹ Nïc mâmâc sasawa kia gawamaî jaņere dâņ reņkenšepieņ. Kia gawamaî gie i Anuturaonec. Juraņgopieņ jaņe Anuture mïcte juraņgopieņ hâcne.

² Irec moc e kia gawamaî jaņere dâņ qâsuahuc Anuture dâņ qâsuaocmu. Erâ qâsuaniņmu jaņe okacne ronïņmu.

³ Ebapa-jeņic bïaņne jaņe kia gawamaî jaņere mi hâwic-jopaekac, sâqocne baeņgopieņ jaņe ine hâwic-jopaekac. Irec go hâhâwic tâmiric juzo murâ wiac bïaņne ezemec. Wiac bïaņne etec gore manapie sâckeocmu.

⁴ Kia gawamaî jaņe Anuture kiņaņ qaqa hâcne, ņezicgupie juhâmocmurâ mujarekicne. Go sâqocne bacmuo ine hâwicguzejec, jaņe šika maņgâņ mi bajueņgopieņ. Jaņe Anuture kiņaņ qaqazi sâqocne bapa jaņerao bâbâtiņ gie bahuc okacne jareniņmu.

⁵ Irec dâņjeņic reņke-jâmbâņkezo, erâ i okacnere hâhâwicte sawa mâcne, gahacne maņzi tutuc qagarezacte wâc dâņjeņic reņkezemec.

⁶ Jaņe Anutuzi soņaņ gie mujarewec i baeņgopieņte hâcne ņoņe takesi monerâeņgopieņ.

Âgo erâ maņjaun eec ezo

⁷ Eme ņoņe wiac mukicne sâc ejarenšepieņ: Takesi jajarere mukicne jaņe takesi jarenšepieņ, kiņaņ qaqajarere mukicne jaņe kiņaņ qajarenšepieņ, araņ babajarere mukicne jaņe

araŋ bajarenšepieŋ, sâsâsec-jopare mukicne jaŋe sâsec-jopanšepieŋ.

⁸ Wiac omanere tofa bazupie tarazejec, manjaunŋte tofa mocjaha babazuc epie tatarane ine mi fokac. Manjaunŋhec juekaczi sâcmutâc dân reŋkekac muzo.

⁹ Sâcmutâc dân šiŋuc mukicne: Nowe ŋonâŋ ŋohe bebehec mi ezepirec, go šika mi qazemec, go fiuc mi rozemec, go andac mi ezemec, sâcmutâc dân i erâ gâcne i mâmâc sasawa qâhâckerâ qizecne šiŋuc mukicne: Gahacnere egareekac sâc ijaha âgogere egarezejec.

¹⁰ Manjaunŋhec juocmuzi âgo-ticne sâqocne mi ecneocmu. Irec manjaunŋzi sâcmutâc dânrererŋ fârine ekac.

3oaŋ qaqačko aimuŋ juzo

¹¹ Inŋuc eniŋte muŋarekicne ŋoŋe dameŋ širec fuŋne mananŋopieŋ, guŋkonec qârerâ faharezo irec šâfo maickekac hâcne. Miti fuŋkerâ manambeŋ ira bâbâpiaŋte dameŋ šošoricne fowec, ši ine dameŋ qândânkekac.

¹² Nafe tarazo ekacte hae fureocte furic râekac. Irec dapâcte wiac hetararâ tatamackonec sându maro menâŋecko rašizejec.

¹³ 3oaŋ qaqačko jujune pectâc junšepeneŋ, nâ areŋ â tiwâ kadahe me gae wowo â sasec makamâc me rârâsi â iiriac i mi ezo, aricne.

¹⁴ Wofuŋ Jesu Kristo e ŋaqi-ŋeŋic eme rojunšepieŋ Erâ sahad-ŋeŋiczi sasec bâfuazacte mana manahuc jauŋ bacnenšepieŋ.

14

*Miti bocjaha me afecne fonâreekaczi mâmâc
Wofun̄te erâ juzo*

¹ Mitio gegec bititicne juengopien̄ jane âgo miriņ ejarenšepien̄, ehuc wiac omanere memengaru epie mu qâsuac mi ejarenšepien̄.

² Moc e manabâc tâmiric wiac kosa nâekac, moc e ine memengaru ehuc monšan̄ sawa nâekac.

³ Irec wiac kosa nâocmuzi âgo-ticne nâ bătâc eekac ere maname wawahane mi ezejec, â nâ bătâc eocmuzi âgo-ticne wiac kosa nâekac ere maname mi sâqorezejec. E Anuture ņic jaha wâc.

⁴ Irec go wemogezi mocte kiņaņ qaqa miti babaju-ticnere fuņne mutec sâckeocmu? E sanaņkeocmu me dockeocmu, i Wofuņ-ticnere wiac. Erâ e mi dockeocmu, Wofuņ e sâcne hume keten̄ ecneme qiņ herâ domaocmu.

⁵ Á šoaņ gie bapare iņuc jaha, moc e wose bătâc eocmu, â moc e maname qâfâsâeocmu. Moczi me moczi iņuc me iņuc ezo murâ mana sanaņkehuc ezejec.

⁶ Ŗoaņ gie bapa wose bătâc eekaczi Wofun̄te erâ eekac, â nânâ kosa nâekaczi Wofun̄te erâ eekac wâc, ehuc Anutu nânâre danġe âzâcneekac. Á nâ bătâc eekaczi iņuc jaha Wofun̄te erâ eekac, ehuc Anutu danġe âzâcneekac wâc.

⁷ Nânâcnaonec moczi moc e jahacnere mi juekac â e jahacnere mi hâmoekac.

⁸ Juju i Wofun̄te juengopenen̄, hâhâmo i Wofun̄te hâmoengopenen̄. Irec junaņmu me hâmonaņmu i Wofun̄tea enaņmu.

9 Irec hâcne Kristozi hâmokicne â qâricne mâmâc Wofuŋ enâreocte hâmorâ wâc qârewec.

10 Eme go wemogezi âgogere dân mutaracmu? Me go wemogezi âgogere manatec wawahane eocmu? Nâŋâc mâmâc sasawa Anuture maio fuapene dânŋâhec mutara-nâreocmu.

11 Ɔiŋuc hâcne qâreŋkecicne fokac:
 “Wofuŋzi mukac, no jujâmbâŋkecopacte
 ŋic ŝeŋgoma dienzi henare-fârenšepieŋ
 â ŝeŋgoma micjeŋiczi muafecnunšepieŋ.”

12 Irec nâŋâc mâmâc sasawa Anuturaŋo fuŋne-nâŋhec munanŋe munârekecicne hâcne.

Nânâ qowizi uucmaŋte fârine mi eekac

13 Irec nâŋâc dân mumutarac mi enšepeneŋ. Kecšiuŋuc ine ezo: Ŋoŋe âgo gâcne maŋ bâsifuc ejarehuc mamana sâqoc bâfua-jarenšipiŋte man-abâcko junšepieŋ.

14 No Wofuŋ Jesuhec juekopaczi ŝiuŋuc mana sananŋekopac: Nânâ i me i nâhuc wâwânâŋhec eene mi fokac. Á moc e, wiac kosa nârâ wâwânâŋhec ezo, iŋuc muhuc sifu nâocmu, e ine jâmbomac wâwânâŋhec eocmu.

15 Go ine âgoge nânâre busâqoc bâfuacnetec manjaun micke-garezo. Âgoge biankeocte Kristozi ere wâc hâmowec, go irec manasuhuc âgoge nânâre erâ ba imac mi ecnezemec.

16 Ŋoŋe wiac fârine bajunŋopieŋ i ŋic gâcnezi musoriŋkenšipiŋte soŋanŋehuc bajunšepieŋ.

17 Nânâ qowizi Anuture uucmaŋte fârine mi ekac, kiŋfâsâc fufua â wama â Tiri Mâroraonec ŝeri bubiaŋ izi wiac fârine.

18 Moc e hata i âtehuc Kristo kiŋaŋ qacneme e Anutuzi honeme biankeocmu â ŋic jaŋe ere manapie sâckeocmu.

19 Irec hâcne nâŋâc wama foocte â miti maŋ sâc fua bâbâriŋ eocte hehesanaŋ enšepeneŋ.

20 Go nânâre erâ Anuture gie ima mi qazemec. Nânâ qowi i bianŋe sasawa, moc e ine, nârâ maŋbâiŋ gie bapemu, iŋuc manahuc sifu nâme sâqorecneocmu.

21 Go âgoge maŋbâiŋ ecnezicte ere erâ qowi â waiŋ opâ qikiŋnetec sâckeocmu.

22 Go wiac iŋucnere maŋfâsâcge fokac, i Anuture maio bajutec gahacnao sawa fozejec. Mo e wiac mocte maname sâckeha maŋbahac fâfâsâc eme biankeocmu.

23 Á moc e mana maŋjahec eipiehuc sifu nâme sâqorecneocmu, e mamasasiŋ faio me ekac irec. Wiac i me i mamasasiŋ faio mi epene bahacnehec eocmu.

15

Jesure sâcko erâ nâŋâcnere mamananac sawa mi junšepeneŋ

1 Sanaŋheczi gegec dodocne âsi qataŋ ejarenšepeneŋ, nâŋec nâŋâcnere mamananac mi junšepeneŋ.

2 Nâŋâc âgofâc-nâŋec jaŋere mamananac juhuc biankeniŋte â mitio sanaŋkeniŋte baficjopanšepeneŋ.

3 Kristo e iŋuc jaha e jahacnere mamananac mi juwec. Dâŋqâreŋ moc šiŋuc hâcne fokac: “Go

musoringumbiņ jaņere mumusoriņzi nore faio fe kac.”

⁴ Mârâc jaha dâņ mu qâreņ embiņ, i nâņâc mitire fuņe mana-hâmonaņte embiņ, dâņqâreņ izi hâcne basanaņ-nâpohuc baafec-nâpome wiac biņe qanarekicne irec mamanaç junâņte qâreņke kicne.

⁵ Anutu e babasanaņ â bâbaafec runezi eņareme Jesu Kristore sâko maņ mamanasu mocjaha erâ junšepieņ.

⁶ Ehuc maņņeņic â micņeņic tureme Wofuņ Jesu Kristo ere Anutu â Mamaç muteņkenšepieņ.

Maņzi roroc erâ juzo

⁷ Irec hâcne Anuture eri qâreņ fuaocte Kristozi rocņopawec iņuc jaha ņoņe maņzi roroc efârenšepieņ.

⁸ No kecšiuņucte ņazakopac: Anutu e mimiņnefâc-nâņec biņedâņ mujâmbâņkehuc jazawec i fârinehec eoçte Kristozi mahec nâņere kiņaņ qaqa ewec.

⁹ Erâ wâc ņic qâpuc jaņe Anutu buuruc-ticnere erâ muteņkeniņte iņuc ewec. Dâņqâreņ šiņuc hâcne fokac: “No qâpuc jaņerao muteņguhuc šâņege mumbiankepemu.”

¹⁰ Erâ dâņ moc kecšiņuc fokac: “ņic qâpuc ņoņe Anuture fuņfuņfâc jaņehec mu šeri enšepieņ.”

¹¹ Erâ moc šiņuc:
“Qâpuc ņoņe šeņgoma Wofuņ mucne bacnenšepieņ,

â ņicne ņicne jaņe e muac baafec ecnenšepieņ.”

¹² Erâ Jesajazi dâņ moc šiņuc mu qâreņ ewec:

“Jâçtuc Isai gitecne fuarâ

eki qâpuc Wofuŋ ejareocmu;
eme qâpuczi ere mamac juniŋmu.”

13 Zeŋaŋ rune Anutu e mamasasiŋ-ŋeŋicte bu-
bian â wama bâfua-ŋareme Tiri Mârore tâpirio
ŋesiŋnepie sambâŋ ŋeŋaŋ-ŋeŋicte manariŋ qâriŋ
ŋoŋerao fua ŋeiŋ ezejec.

Paulo gie-ticnere dâŋ

14 Âgofâc-nane, ŋoŋe uruc jaŋŋ-ŋeŋic fokac â
mitire fuŋne i wâc sâcne mana-hâmoŋgopieŋ, irec
ŋaŋaczia faŋ qaŋac ezo murâ mi bititieniŋmu, i
no fuŋne-ŋeŋic iŋuc hâcne mana sanaŋkekopac.

15 Erâ sifu no Anutuzi miti gie tahacnuwecte
dâŋ gâcne i mai qanŋaŋ Jaha qâreŋke-ŋarehuc
mitire manasu-ŋarekopac.

16 Jesu Kristo e qâpuc ŋoŋere miti kiŋaŋŋic
râecnuwecte no Anutu Biŋebian-ticnere taha
bapa gie bape Tiri Mârozi maŋfuru bacŋopame
Wofuŋte taha bian enŋepieŋ.

17 No Anuture gie baekopac i Jesu Kristore erâ
manape fefene eekac.

18 Gie i nahackoaŋ wemo-nanezi bazapo, ar-
icne, Jesu Kristozi neŋgoc ŋenareha qâpuc jaŋe
miti mana rereŋ eniŋte miczi â mezi gie bapo.

19 No tâpiri â mâsihec juhuc Tiri Mâroraonec
hâbi rorâ Jerusalem haonec fuŋkerâ Kristore
Biŋebian mâreŋ râreckehuc muiŋne rakupe
Iliriko ŋ mâreŋko mickewec.

20 Ehuc gâcne jaŋere hâsinao bazipore Kristore
ŋaŋe biŋe mi ra fisiwecko furunao ŋocne qape-
murâ herâ wâwânŋaŋneekopac.

21 Dâŋqâreŋ ŋiŋuc hâcne fokac irec sâcko
eekopac:

“Dâñ binañ-ticne mi ejarekicne jañe e honeniñmu,
 â biñe-ticne mi manambiñ jañe mamanahec eniñmu.”

Paulo e Roma hae fotâcnerâ Sipeî mâreñko razo muwec

²² No fuñne inucte hâcne ñoñerao fâpemurâ damenñ sâc quñkeekopac.

²³ Juwarepo i ñoñerao fâpemurâ mañzi sawa manahuc jupo, ši ine mâreñ gâcnao gie-nane tarakacte

²⁴ Sipeî mâreñko razo ehuc ñoñerao fisipemurâ manasukopac. Fisipe ñoñehac sahad hâronñ qaqaç erâ ñoñeraonec moc moczi qâtecnupe mâmâc Sipeî mâreñko ranšepeneñ.

²⁵ Damerñ šiñuczia ine mitiñic kiñañ qajarehuc Jerusalem haeo razo ekopac.

²⁶ Makedonia â Akaia kikefuñ jañe Jerusalem haeonec mitiñic hapetac dopec-jopaninñte afeckerâ mupañkemiñ.

²⁷ Jañe buafec-jeñicte inuc epie sâckewec. Qâpuckonec miti mamana jañe Jerusalem haeonec mitiñic jañeraonec miti boreñ rombiñte tofa jañerao fokac. Eme tofa i hâcne bazujareniñte sahackopac wiac jarepie sâckeocmu.

²⁸ Eme mumupañ-jeñicte fârine fuawec i no nahac bararâ jarepe tarame ñoñerao fotâcnehuc Sipeî mâreñko rapemu.

²⁹ Erâ no manakopac, ñoñerao metariñ mi fâpemu, Kristoraonec jambuñ kadahe bafâpemu.

Ere erâ numuniñte qâreñke-Jarewec

³⁰ Âgofâc-nane, no Wofuŋ-nâŋec Jesu Kristo ere erâ â Mârore Jaunŋte erâ hazec qâuŋ ŋazakopac, ŋoŋe nore erâ Anutu numucnehuc juju gie-nanere baficnunšepieŋ.

³¹ Baficnupie Anutuzi Judaia mâreŋko ŋic jaŋere meonec bataracnuzejec, â Jerusalem haeonec mitiŋic bubiaŋ wiac jarepe aŋac-jopazejec.

³² Izi šâhec Anutuzi manahame bubiaŋko fârâ ŋoŋerao jumanahuc âke mâteŋnuzejec.

³³ Anutu wama rune eki ine ŋoŋehec jufârezejec. Jâmbomac.

16

Paulo e Roma haeonec ââgo guru jaŋere manac Juwec

¹ Ŋokac âgo-nâŋec Foibe, Keŋkereaŋ kikefuŋ bafic-jopahuc juekac, e fâ fisime

² ŋoŋe mitio munârekicne irec sâcko Wofuŋte erâ hezu hewâneŋ ecnenšepieŋ. Erâ e irec me irec ecneme bafickenšepieŋ. Ŋokac e no nahacne â gâcne mâmâc kiŋaŋ ganârehuc juwec.

³ Erâ Prisika â Aqila, Kristo Jesu gie-ticnere babafic jahec-nane jahe jasanŋ, mamac-nane jaherao fokac.

⁴ Jahe hâcne nore erâ sahač-jekic gaisockezo epicte no sawa mâcne, hae sâc kikefuŋ nâŋe jahere bubiaŋ bajuŋgopenenŋ.

⁵ Jahere ficko mitire tumaŋneŋgopieŋ ŋic ŋokac i jaŋe wâc mu šeri ejarekopac. Âgonane Epaineto, Asia mâreŋ masunao micne barâ Kristoŋic ewec, e wâc mu šeri ecnekopac.

⁶ Maria e wâc mu šeri ecnekopac âzâcneniņ, e ņoņere erâ gie bocjaha bawec.

⁷ Androniko â Junia, Judaniċ âgo jahec-nane, kâpâcwâru mâmâc bacnâpokicne, jaherao mamanaċ-nane fokac i jasanĳ. Jahe ņic šâņe biņeheczĳ aposolo jaņere guruo juhuc, no mât juhape Kristore miti bânierâ manapic.

⁸ Mitio âgo-nane Ampiliato e wâc mu šeri ecnekopac.

⁹ Urbano, Kristore giere babafic embenĳ, â Sitaki âgo-nane jahe wâc mu šeri ejactekopac i jasanĳ.

¹⁰ Apele, Kristore ņic fârĳne, â Aristobulo ere wiacfâċ jaņe mu šeri ejarekopac.

¹¹ Judaniċ âgo-nane Herodion erâ Narikiso wiacfâċne gâcne mitio juņņopĳenĳ, jaņerao mamanaċ-nane fokac.

¹² Nokac jahec Tirifaina â Tirifosa, Wofunĳte erâ gie sâko bapic, â Peasi e iņuc jaha Wofunĳte erâ gie paņšâic bawec, jaņe mu šeri ejarekopac wâc.

¹³ Wofunĳte bufunĳ Rufu â neņņoc-ticne, e no wâc neņņoc enarewec, jaherao mamanaċ-nane fokac.

¹⁴ Asiņkrito, Filegoņ, Hereme, Patoroba, Herema â âņofâċ-jeņic jaņe mu šeri ejare-fârekopac.

¹⁵ Filologo â ņokac Julia erâ Nereo â seņticne â Olumpa â miti ņic ņokac jaņehc juņņopĳenĳ, jaņe mâmâc mu šeri ejare-fârekopac.

¹⁶ Naņac wâc mitio meo babac enšepĳenĳ. Hae sâc Kristore kikefunĳ jaņe ņoņere mamanaċ wâc juņņopĳenĳ.

Mitiņic burec burec jaņere uņ muwec

17 Âgofâc, ñoñerao fâfâuc bâfuahuc, miti qazu-
ñarekicne i bâsifuckezo eenḡopien ḡic i jañere ruc
bahuc dic bajarenšepien.

18 Ñic inucne jañe Wofuñ Kristo mâcne, jañe
jañacne hobu kiñañ qacneenḡopien. Ehuc mu-
mumbian ðañ muhuc ḡic ñokac omane mu
bâmirin ejarehuc eatuc-jopaenḡopien.

19 Miti mana reren-ñeñicte biñe i hae sâc
rafârewec. Eme no irec ñoñere bubian manahuc
kecšinuc eniñte ñazape: Wiac bianñere mañafec
junšepien â wiac sâqocnere ine mañ ñeñemâc
enšepien.

20 Anutu wama rune eki mi šoraha Satan ro
bawaha âte ecneocmu. Wofuñ Jesu Kristo ere aki
anonoczi ñoñerao fozejec.

Âgodân â jambunðân

21 Babafic-nane Timoteo â Judanjic âgofâc-nane
Lukio â Jason â Sosipate jañe ñoñere mamananac
junḡopien.

22 Teatio no papia ši (Paulore mickonec(c)
qârenkehuc inuc jaha Wofuñte maio ñoñere man-
asukopac.

23 Gaio e no â kikefuñ mâmâc sasawa hezu
hewânen enâreekaczi inuc jaha ñoñere mana-
sukac Erâ hae soñañ Erasto â âgo-nâñec Qâto jahe
inuc jaha eñarekopirec, [

24 Wofuñ-nâñec Jesu Kristo ere aki anonoczi
ñoñerao fotâcnerâ fozejec. Jâmbomac.]

25 Anutu e Biñebian muekopac â Jesu Kristore
ðañ muromackeekopac irec sâcko mamananinjo
keten-ñopaocte tâpiri focnekac. Anutu juju sanañ
ðañticne hâcne soñne fowarehuc jukume

²⁶ dameŋ šinuczia ere michte muropiekicne â
ŋicne ŋicne mana reren eniŋte miti papiao ba-
janŋenkecicne.

²⁷ Eme Anutu hâcne, buc maŋqârâŋ juekac,
erao Jesu Kristore erâ mumutenzi mumutenŋ hati
forašihuc juzejec sanaŋ. Jâmbomac.

Kâte Bible
The Holy Bible in the Kâte language of Papua New Guinea
Buk Baibel long tokples Kate long Niugini

copyright © 1978 The Bible Society of Papua New Guinea

Language: Kâte (Kate)

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-02-09

PDF generated using Haiola and XeLaTeX on 25 Aug 2024 from source files dated 31 Aug 2023

76869875-8293-5126-8b67-c576c145ac3c